

青州府志卷之十

祀典祠廟附

風雨露雷天顯至教山川林麓民金用材下及施法捍苗死勤勞定祭法備矣矧青當震地滄渤沂鎮夙著威靈者耶聖哲勲烈皆其秀也記云諸侯在其地則祭之侯罷守置是在郡矣作祀典志

社稷壇

舊在城西北五里

國初徙齊府城內

以宋矮松園為之即

今松林書院是也

逮齊庶人國除永樂五年知府趙麟復

移城外弘治十年封建

祀典

青州府志卷十

一

衡藩再移於端禮門內之右與山川壇並

壇高三尺縱橫

三丈有石主神庫神厨宰牲所神門歲以春秋仲

月上戊日 衡王率守土官南向致祭**祭器**凡七

十二件 香爐二 燭臺四 酒尊二 爵六 磁器盤四十 酒鍾六 帛匣二 毛血盤四 牲匣二 香桌二

祭桌

頒降樂器凡一百九十八件

麾幡一 紅漆竿一 龍頭鉤一 柷

一 歌 一 排簫 二 搏拊 鼓 二 圓絃 二 琴 六 紅琴 案 二

瑟 二 紅瑟 架 二 旌節 二 銅飾 紅竿 二 龍頭 全笙 六

笛 四 簫 四 塤 二 箎 二 簫 笛 三 十六 舞竿 三 十六 雉

尾 全 應 鼓 一 柱 一 十 字 螺 蟲 全 龍 頭 四 龍 杖 四 銅

鈎 四 五 色 流 蘇 四 并 座 鼓 槌 二 鍾 架 一 銅 鍾 一 十

六 粧 畫 龍 頭 二 粧 畫 飛 鳳 五 螺 蟲 二 座 子 二 五 色

流 蘇 二 并 盤 銅 鈎 二 銅 槌 二 磬 架 二 粧 畫 龍 頭

二 座 子 十 二 粧 畫 飛 鸞 五 鳧 鷺 二 五 色 流 蘇 二 祭

用羊二豕二帛二爵六登二鉶四籩八豆八簋四
簋四樂用麾一祝一敔一琴六瑟二鍾十有六磬
如之塤二箎如之簫四鳳簫如之笙六笛四搏拊
鼓二應鼓一其樂生四十四人工歌八人旌二籥
三十六翟如之文舞武舞生各三十八人

風雲雷雨山川壇

舊在城南三里

國初徙齊國城內社

稷壇右國除知府趙麟於永樂五年移置城外弘
治十年封建 **衡藩**再移端禮門內與社稷壇並

歲以春秋仲月上巳日 衡王率守土官北向致

祀典

青州府志卷十

二

二四百五十二俊

祭餘同社稷壇

先師廟

規制詳學校

祀先師孔子東西列四配

顏子曾子子思

子孟

次十哲

閔子騫冉伯牛冉仲弓宰子我端木子貢冉子有仲子路言子游卜子夏

子張

兩廡列七十二子

澹臺滅明原憲南宮适商瞿漆雕開司馬耕有若巫

馬期顏辛曹卹公孫龍秦祖顏高穰駟赤石作蜀
公夏首后處奚容箴顏祖句井疆秦商公孫句茲

縣成燕伋顏之僕樂欬秋黑孔忠公西箴施之常
秦非申張頤噲宓不齊公冶長公皙哀高柴樊須

公西赤梁鱣冉孺伯虔冉季漆雕哆漆雕徒父商
澤任不齊公良孺公肩定郭單竿父黑榮旂左人

鄧鄭國原亢廉潔叔仲會邾巽
公西輿如陳亢琴張步叔乘

次春秋以來諸儒

左丘明公羊高穀梁赤高堂生毛萇伏勝孔安國
董仲舒后蒼王通杜子春韓愈胡瑗周惇頤程顥

程顥邵雍張載司馬光歐陽脩楊時朱熹呂祖謙陸九淵胡安國張拭蔡沆真德秀許衡歲以

春秋仲月上丁日致祭祭器凡五百八十七件香

爐六錫花餅六錫酒尊四錫盥盆三銅爵二十錫爵一百八錫簋各一十六錫豆七十二錫登五

錫酒杓三錫劔二十木牲匣五長木卓三十二小

木香案四鐵高燭臺四小木燭臺七十二牲匣卓

二滌牲桶四宰牲木甕八竹籬箱九牲血盆八毛血盆十酒尊卓三鐵鍋五水桶五

凡二百二十七件麾幡一紅漆竿一龍頭鈞一

圓絳二琴六弦枕全紅琴案六瑟二弦柱全紅瑟

架二旌節二銅飾紅竿二龍頭全笙六笛四簫四

壎二箎二簫笛三十六舞竿三十六雉尾全應鼓

一柱一十字螺蟲全龍頭四龍杖四銅鈞四五色

流蘇四并座鼓槌二鍾架一銅鍾一十六粧畫龍

頭二粧畫飛鳳五螺蟲二座子二五色流蘇二并

飛鸞五鳧鸞二祭用帛一羊一豕一爵三登一劔

五色流蘇二二簋二籩二籩八豆八四配共用羊一豕一各帛

一爵三登一劔二簋一簋一籩六豆六十哲共用

帛二豕二各爵一劔一簋一簋一籩四豆四兩廡

每廡共用帛一豕一每四壇共用爵四簋一簋一

籩四豆四凡祭必大合樂麾一祝一敵一琴六瑟

二鍾十有六磬如之壎二箎如之簫四鳳簫如之

笙六笛四搏拊鼓二應鼓一其樂生三十八人工

祀典

青州府志卷十

三

歌六人旌二籥三十六翟如之舞生三十八人

州縣祀日與禮金同嘉靖四十三年知府杜思修

正樂器樂舞郡人叅政馮惟訥記

韶於齊歸魯正樂而吳季子觀樂於魯見舞招節
至齊歌曰美哉泱泱乎大風也哉夫樂莫盛於韶
蓋自有虞之後數千年惟齊魯能存之固所謂秉
禮之國載觀季子之亟稱則齊之所為樂亦不可
不謂之盛也我國家治定作樂蓋祖宗之所
苞涵郊廟之所奏假固可與招節媲美後先矣
然其文列於宗伯其器掌於大常其頒諸天下所
得習肄以共典秩者則惟有大成樂章耳而吾齊
因得備樂舞以崇事先師是固至德之儀刑而大
風之餘響乎然沿習既久官師不深考論樂器
壞闕佚歌聲暉曼不中律呂至於執籥秉翟皆取
足市肆歲時享祀為具而已嘉靖壬戌冬武川杜

祀典 青州府志卷十 四

公來蒞郡癸亥仲春釋奠於廟庭驟顧歎曰籥豆
之不具是有司之過也禮樂頽敝則何以稱齊魯
之邦於是慨然思以作新之會大成樂章耳而吾齊
來為 衡藩典樂習知音律諸生郭東望稍諧聲
譜公選於郡塾得通習章句童子百餘聚之庠校
延二人教之暮年而絃誦舞蹈聲容節奏繹然有
倫公為給舞服領于學官一准諸生服之制至祝
歌拘蘆菴旌節翟羽皆考圖譜一新之高唐王嘉
樂盛美以所製琴瑟填篪鳳簫各如所肄來遺相
事公乃言於督學監司曰按內則十有三年學樂
誦詩舞勺成童舞象足徵樂舞在童蒙也然居業
必於學校今郡所教令為樂者百餘人願試其文
義收克弟子員以為樂學之勸監司可之錄十人
焉繇是諸童子津津然競勸歌樂舞蹈雍容雅都
郁然盛矣昔在漢初蜀地僻陋文翁脩起學官選
子弟開敏者親自飭勵至祭舉為吏以榮籠之由
是政化大行西南就學者比齊魯焉况公所治故
稱文學之都而禮樂之盛在古昔章章若是今創

其淪敷而振起之聲光固已炳先列郡然則有虞雍穆之風當在吾海岱間而季子所稱美哉泱泱者不知視今日何如也夫中和樂職昔人作頌訥固竊願自效安得以不文辭哉聞公方修建郡治嘉其堂名曰至道蓋言齊魯化民之術均也此可覘公師帥之大猷其修正禮樂蓋非徒取文具備觀美而已公名思字子睿四明鄞人登丙辰進士由工部郎中出牧吾郡云

啓聖祠

見學

祀啓聖孔公

叔梁紇

以四氏配

顏子父

父點子思父鯉孟子父孟孫

從祀三人

程珦朱松蔡元定

凡祀先師則

前期行禮祭品視十哲

國初仍前代制稱孔子大成至聖文宣王肖像服

袞冕祭用籩豆十二舞用八佾四配以下從祀者

祀典

青州府志卷十

五

金以公侯稱嘉靖庚寅

上用輔臣張孚敬議改正禮制去肖像易以木主

題曰至聖先師孔子四配曰復聖顏子宗聖曾子

述聖子思子亞聖孟子十哲以下曰先賢某子先

儒某子別祀孔子父啓聖公于啓聖祠配以四子

從以三人

金見前

削十三人

申黨公伯寮秦冉顏何荀况戴聖劉向賈逵馬

融何休王肅王弼杜預蔡登

以七人各祀于其鄉

林放蘧瑗鄭衆盧植鄭玄

服虔增祀五人

后蒼王通歐陽籩豆各損其四樂

用六佾以示天下尊崇之實 **州邑禮同** 嘉靖四十

四年知府杜思增修啓聖祠郡人知府李用和記

曰啓聖有祠肇創於嘉靖壬辰之歲遵制令也先
辛卯冬皇上以追尊皇考睿廟大禮告成釐正
先師祀典輔臣采輯今昔儒臣之議謂自唐以來以
顏會思孟四子配享堂上而其父則皆列于廡下
考之禮子雖齊聖不先父食今乃使子坐于上父
坐于下是逆祀也縱出於後世之尊崇非諸賢之
本意恐諸賢必有不安於心而不敢享非禮之祀
者宜令各處廟學別立一祠中祀啓聖以顏會思
孟之父配享及將程朱蔡氏之父各從祀庶不失
以禮追崇之意而明倫之義不為虛文議上皇
上俞之下禮官令天下府州縣學建祠別祀而青
州郡學之祠乃在廟後西偏其區故為神庖址不
越尋丈堂宇僅三楹由其始也不為崇重之謀與
夫經久之計姑以塞新令已爾逮今壬戌越三紀
餘而向之庫陋湫隘者亦併朽折漫漶幾于名存
而祠廢矣是歲冬四明武川杜公以工部郎來典

祀典

青州府志卷十

六

是郡銳然以興舉廢墜為任率以朔望之旦謁廟
畢進諸生於明倫堂課所肄習為之折疑辨異既
乃周視學宮爰及是祠顧而嘆曰夫禮惟緣情情
惟敦本是祠之建所以緣聖情而重本始也今庫
陋圯壞若此其何以承聖天子錫類之休命而
推先師孝思之至情邪乃即其舊址之前有號舍
隙地拓而闢之僞工庀材為堂仍三楹其高廣倍
焉中設啓聖主左以先賢顏無繇氏伯魚氏右以
曾皙氏孟孫氏之主配焉東西為廡各三楹則新
增也以外門東向繚以周垣堊以丹艸軒豁闕遠視
昔不啻倍徙由是而春秋釋奠則俎豆之陳列有
序裸將之陟降有儀聖考之靈亦有所棲受而昭
假矣祠成而公屬余以紀其事余謂改作重務也
公於他不妄費一縷不輕役一力而於是祠獨汲
汲焉者所以尊聖制達聖孝有裨於風教也惡可
以余文之陋而辭故併述其始建之由而及今所
以增修之意工始於癸亥七月朔訖於八月四日

公名思字子睿由丙辰進士歷今官諸所興舉皆先體要關化理非俗尚者所可伍也此固其一云

名宦祠

在松林書院

祀戰國

齊相鮑叔牙

漢齊相曹參

卜式刺史雋不疑北海太守朱邑刺史法雄王望

王龔李膺樂安太守陳蕃北海相孔融刺史臧洪

魏東莞太守胡質刺史王凌**晉**刺史胡威**宋**沈文

秀**魏**慕容白曜**北齊**明慶符**隋**蕭琅**唐**司馬參軍

孔齊卿刺史王昕北海太守李邕趙居貞**五代**刺

史馬胤卿**宋**知青州寇準曹瑋王曾龐籍李迪范

仲淹富弼歐陽脩趙抃張方平吳奎程琳孔道輔

祀典

青州府志卷十

七

陳執中余靖蘇軾劉摯曾布曾孝序**元**總管范完

澤**國朝**知府孟迪趙偉李昂凡四十七人祠舊

在府治儀門左成化丙戌知府李昂 奏請移建

于松林書院

祀宋青州守寇準曹瑋王曾龐籍李迪范仲淹富弼歐陽脩趙抃張方平

吳奎程琳孔道輔一十三人名曰名賢祠

祭酒陳鑑記

曰維是北海故郡舊為齊國號

稱益都統州一縣十有三東北據海西南距岱業務

農桑利擅鹽鐵士好經術習尚豪悍邦域之東亦

維劇郡入國初來逮今百年為之守者不過簿

書稽會之間而已稍知務民稼穡拯民疾苦已如

夜光鼉采而况求其能表顯先賢作典斯道者乎

成化丙戌仁和李侯文舉始來為守即能敷德施

惠發茲樾伏疏弊源而清之培利本而厚之未幾

政通人和百度具舉府舊有祠祀宋賢守寇忠愍
曹武穆王范二文正龐莊愍李張二文定富歐二
文忠趙清獻吳文敏劉忠肅程文簡諸公之有惠
愛於青民者後祠廢附其主於土神之祠祠既卑
隘位亦貶損非所以崇賢報德侯心歎焉暇日偶
適城坤隅因得隙地高亢明爽面山為屏清致可
愛已為浮屠所據不請諸朝不白于有司輒構
宮宇像佛其中環樹松百章嚴然一蘭若矣侯曰
吾旁求而未得彼安肆而恣為是可忍也孰不可
忍也於是乎撤諸其像逆諸其徒盡易舊規一回
新觀乃遷主其中仍塑諸公之象衣冠皆如宋制
扁其楹曰名賢祠前為兩齋左曰思齊右曰仰止
以為致齋之所繚以周垣而門其中垣之外復為
二軒左曰藏修右曰游息延四方有學行者居之
以為師撤屬邑子弟知鄉方而憤孤陋者教育于
茲館穀于茲復垣其外而統題其門曰松林書院
即日率僚屬師生為文以祭之大歸以崇正黜邪
為陶人心之具祠固不足為諸賢之重輕也又慮

祀典

青州府志卷十

久而或墮復具顛末入疏之若曰華等立朝大節
炳然史冊守青偉績宛在人心人云實存百代攸
著祠之故領之地不惟起敬守臣抑且師範承學
所補實大乞定為著令載之祀典以永永無斁
詔特可之下禮部定其儀式以行侯既得旨欣
躍再拜謝恩命又謂茲惟盛典不可無載述以
詔諸後屬者書最來京因予友中書舍人李君
應禎謁予成均請為文識諸石表顯先賢作興斯
道守令分內事也柰之何人不之為而為之者斯
其難矣在李侯亦非難事竊慨夫叔世顛真蠱蝕
心志雖士大夫未有舍佛而成喪者蓋謂其禍福
生死人也波頽風靡漫不可救之餘乃有如侯者
斷然知佛之不可信僧之不足卹一旦掃除之若
塵空然非真能見理明信道篤不克臻此其所
以為尤難也雖然狄文惠巡撫江南去吳楚淫祠
千七百餘所當時以為難逮今猶香人齒頰視侯
之為若合符節詩曰維今之人不尚有舊亶其然
乎舉此以例其餘不必詢事考言然後知其為賢

守也如侯者焉得百數十布諸天下四方寧有不
治者乎惜乎未之多得也故特著之于篇若夫諸
賢之良法美政守土之臣所當
模範者史冊具在愚何庸贅
弘治十八年知府

彭桓修自為記

曰事有窮天地而長存亘古今而

關乎世教之大者焉故雖一鄉一邑之小苟有賢
人君子功業振于當時而名聲垂于後世者必為
之祠廟修其祭祀所以勸也若有若寇忠愍公曹武
穆公王文正公龐莊敏公程文簡公范文正公李
文定公歐陽文忠公富文忠公張文定公趙清獻
公劉忠肅公吳文肅公諸賢之德業聞望炳炳宇
宙間長如日星况於其故領之郡流風餘澤存而
未泯則其數椽之宮一籩一豆之設所以昭前烈
之休光而啓後學之仰慕者其可廢也哉弘治乙
丑予承乏青州視事之三日謁于松林書院得瞻
十三賢之遺像而拜焉顧視祠宇久而歎剝溜穿
殘壁蘇雜餘畫礎壓斷垣碑橫茂草問其松則已

祀典

青州府志卷十

斫而薪之矣問其地則已入於德府之籍而為有
力者之所播種矣此然汗出不啻芒刺之在背也
既而論於益都知縣金祿曰與廢舉墜時予與汝
之責抑遏前美坐視其壞亦時予與汝之羞地之
奪者不可細而復之乎松之伐者不可植而有之
乎垣之頽碑之仆者不可起而築之乎瓦甍之缺
裂繪事之漫漶者不可去而易之乎金祿躍然曰
唯乃為券以納其歲入之租而祠之地始屬於縣
官又會其修理之費增其洒掃看守之役嚴其軍
校混擾之禁以請於當道而皆允焉於是擇監工
哀羨餘鳩匠石撤朽完毀拓隘崇庠不踰月而告
成蓋甍之甍者若干尺瓦之覆者若干楹為櫺牖
以達其疎明為扁額以固其啓閉前門後寢始復
舊觀左廊右廡煥然新飾祠之內外隙地補藝以
松而益樹以栢取其凌霜雪而後凋干雲霄而不
撓也既竣事金祿以記請予曰十三賢之事業文
章不待祠而存也然而必欲祠之者仰其德澤慕
其聲光思同其時而不可得得觀其像設登其堂

階而彷彿乎容儀之相接警效之若聞以起其效
法之心焉此祠之所以作也前之作者太守李公
之用心亦勤矣祭祀之期牲帛之數又爲之請於
朝以定之矣勒於石以垂之矣復其人以守之矣
及其久也不能以不壞而當其壞也又不能以不
修此所謂出於人心之公而關乎世教之大者雖
窮天地亘古今而不可廢也然則繼是而修之者
固當復有其人而摧松栢以爲薪鞠坦墉以爲圃
者亦可以少戒也哉是爲記

鄉賢祠

在松林書院即喜雨亭改建

祀春秋成觀戰國王蠲魯

仲連漢諫議大夫江革博士胡毋生御史大夫兒
寬孝子董永河東太傅徵士轅固郡掾祭酒薛方
晉孝子王裒唐左僕射房玄齡孝子孫旣宋沂國

祀典

青州府志卷十

十

文正公王曾平江守仇愈侍郎王皞中丞李之才
學士燕肅冲退處士蘇丕狀元蘇德祥御史張所
金尚書張行簡元僉事齊郁侍郎于欽御史傅讓
國朝學士馬愉大學士劉翊孝子王讓冀琮尚書
陳經布政使黃卿副使馮裕凡三十四人二祠俱
在松林書院歲以春秋上丁日各用羊一豕一爵
三帛一致祭嘉靖四十四年知府杜思修副使郡

人陳夢鶴記

曰古之君子成德立行身沒而名不朽者何哉誠而已矣窮達顯晦不與

焉誠也者成也成已之謂全德成物之謂善政德
政備人已立夫然後托於世而列於君子之林矣

此之謂不朽予自童子時輒聞吾青有名宦鄉賢
二祠心竊慕之稍長為諸生習舉子業於松林書
院二祠巍立院中因見所謂名宦者有若人焉為
鄉賢者有若人焉乃歷指而究之其宦於斯者為
忠為義為廉為節政教不必其皆同而操心則未
始有不同者其生於斯者為孝為弟為忠為良造
就不必其皆同而制行則未始有不同者誦讀之
餘每一瞻拜則又喟然而嘆曰諸先哲沒世而名
不朽者意在斯乎學問之道舍是吾誰
與歸且諸名賢之在當時即孰知後世之推信若
此也顧以責任所在牧養元元休戚癘疴若切一
體而窮居默念制行存心稍有不慊即為辱親即
為得罪于鄰里語云若保赤子又云見善若不及
見不善若探湯此豈有纖毫患得要譽之心哉惟
自盡其誠而已古之人惟自盡其誠故各造其極
而當時望之後世仰之初非有二致也其窮達其
顯晦又烏能一律齊耶故曰易地則皆然是故敷
施於有政即其存之於心者也適養於吾心即其
祀典

青州府志卷十

十一

達之於政者也政達而成物內存而成已成已仁
也成物知也仁知合一而內外無間則德全行立
而君子之能事畢矣故宦也而名稱焉鄉也而賢
稱焉以垂不朽以永血食祠祀之典夫誰曰不然
武川杜郡伯以名進士來牧吾青心誠而政和乃
以甲子之夏肇修二祠因其舊而增華拓其宇而
加麗公之所以光闡先德者厚矣他日必有籍之
以同不朽者豈惟惟地方先哲之幸云爾哉舊宦祠
在府治內賢祠在儒學內先年改建於書院院故
宋王文正公曾讀書處便爽塏妥幽靈也久之而
棟宇頽壞至是公更新之越明年乙丑春落成命
小子識之公清謹寬厚每事盡心蓋不動聲色而
百廢俱舉此特其可書者一耳祀日祭品州縣同
若夫大德大政茲固不暇紀也

城隍廟有二其一在城內即孟嘗君故第北齊武

平四年建為龍興寺元末兵燬國朝洪武元年

改城隍廟八年知府張思問因建齊藩以其地爲世子府徙廟於西門外洋河北岸齊庶人國除天順元年知府徐郁復遷故址即今廟也其洋河北廟亦存禱雨有應正德十年知府朱鑑仍修

郡厲壇

在古城鎮青門外

國朝

洪武八年知府鄭印發

建正德間知府朱鑑修歲以清明中元十月朔致祭先期導迎城隍神位于壇榜無祀神鬼而祭之其祭用羊三豕三果四羹飯冥衣數百具州縣同鄉厲壇洪武八年定制每里立壇一里中耆老主祀典

青州府志卷十

十一

之用羊豕果酒如郡期祭本鄉無祀鬼神州縣同今悉廢

旗纛神廟

舊在青州衛治以北湫隘

國朝

嘉靖十六年徙東

門外演武場本衛每歲霜降日致祭

八蜡廟

舊在武成王廟

規制隘湫不稱妥揭嘉靖四十四

年夏五月知府杜思賢松林書院南民地更新建之歲以冬十二月八日用羊一豕一爵三帛一致

祭

主事常孰錢有威撰記

曰國家創造區夏

詔天下郡縣立八蜡廟 皇上統天紹緒首申敕之于是遐陬僻壤罔不廟祀青東方雄郡也郡故

有祀其寓主太公之廟不知何始每春秋祭迎麗
登降饋獻飲瘞雜沓並舉莫全其尊甚者謂尚文
特祀先父後蜡尤為非禮神用不享福不下庇其
來日父壬戌歲四明杜公自工部郎中出守青郡
公持達愷悌留心民瘼移風剔弊各有條貫民大
和洽比次年春二月上戊日祭廟下公休然曰春
秋譏逆祀子雖齊聖不先父食蜡有司查蓋周祖
也太公可先之耶遂先蜡祭既又曰公無謂余以
稷故掩若勲耶且蜡者索也歲十二月合聚萬物
而索享之也守承上命敬共明神匪時匪地罰
其可辭議作新之願未有會是歲夏六月霖潦汗
漫憂及禾稼公率僚屬暨耆老禱于八蜡之神翌
日雨霽冬十月燠無雪公禱復應又明年甲子夏
大旱公如前禱益加虔焉屬其耆老曰五日而雨
必新其廟越三日大雨歲則大熟郡人作為詩章
頌公德政公曰此非余德神之貺也向非神貺固
不敢以匪時匪地慢天子詔况若此其赫赫耶
卜地于松林書院之南百步許人權鳩焉乃量工

祀典

青州府志卷十

三

斥帑殿堂門廡繚以垣墉經畫既定飛蝗突至公
復祝曰神廟方新蝗乃作孽豈所謂昆蟲無作者
哉後二日忽報曰蝗息矣訊之果然實乙丑之六
月也人益悚勸樸斲茨蓋不督而具于是儀節時
日與廟俱新嘗觀古者年不順成八蜡不通順成
之方其蜡乃行蓋先王視天地萬物渾為一體休
戚疴瘵有觸斯覺迎貓迎虎悉為仁義感孚之妙
默寓其中否則上下譁然直子貢所謂舉國若狂
者也公獨能推寃本始治民事神交格罔間可謂
無負所謂矣是役也始于乙丑夏五月成于秋七
月用財凡若干緡而斂不及于民用力凡若干工
而民不以為厲余以郡志縫務居青最久聞見特
詳得併記云

武成王廟

在府城西北

祀齊

太公望以管仲晏嬰配享

歲以春秋上巳日用羊一豕一爵三帛一致祭巡

按御史高應芳謁廟詩表海遺風在瞻祠古像幽薦蘋陪管晏勒鼎配伊周

敬義三王範韜鈴百將籌鷹揚猶凜凜松栢幾千秋周室千鈞鼎磻溪一釣鉤田車尊帝佐虎旅

肅王猷伏臘欲昭代封疆表故州大風歌蕭耳駐聽自悠悠

范公祠在城西宋建祀宋叅知政事知青州范仲

淹尋廢國朝天順五年知府趙偉重修弘治十

三年知府杜源正德九年知府朱鑑十五年巡按

御史熊相繼修嘉靖四十四年知府杜思重修

富公祠在城西門外宋建祀宋京東東路安撫使

知青州富弼國朝嘉靖間兵備僉事康天爵撤

祀典青州府志卷十 西

晏公廟改建郡人知府楊應奎記畧曰嘉靖十有六年青州兵

防僉憲東汾康公以修西月城餘材修富文忠公

祠于晏公廟之基祠舊在石子澗石上架瀑水立

柵而亭之後人目為富亭遺愛者也歲久湮沒徒

有空名而已澗即漢晉間望氣者所謂廣固城之

五龍口晏公廟實南向對之晏公出處無稽俗傳

水神也野廟荒寂或頽或理地勢如阜豐隆圓秀

民居環其左右今乃堅廣其垣墉崇高其殿宇中

設文忠神主以將事重門峻堦有嚴有翼俯滄洋

之潺湲挹雲勞之萃崔堯山峙其背駝峯聳其西

風晨月夕煙雨雪霽之景尤為奇絕下與范文正

公并祠東西相望明爽曠達真齊兩景之偉觀也

後樹禮賓之堂移晏公舊像於右偏置守祠僧房

于左蓋越月而告成焉百年廢祠一旦興復耆老

傳頌抵於茲望康公之舉真義舉哉按祭法曰法

施於民則祀之能捍大患則祀之能禦大災則祀

之然則前後屋而祀之者禮也文忠平生忠直大

節德業文章史冊備載康公之經理西城關亦
有下耆老帖文在茲不贅康公名大爵山西汾州
人癸未以上二祠歲以春秋上巳日並用羊一豕
進士一爵三帛一致祭

堯廟 在堯山之麓
建置無考

國朝永樂八年耆民杲士賢

重修正統六年知府孟迪重建宋范仲淹詩

帝德如天

日巍巍與善功禹終平澤水舜亦致薰風江漢
生靈外乾坤揖讓中鄉民不知此篇鼓謝年豐

國朝郡人布政黃卿詩

海嶠堯曾狩巖碑民未忘
土塔杉檜偃石壁藤蘿芳

野廟山能載神功天賜長
鷄豚傳萬祀義不在烹嘗

副使臨朐馮裕詩

放勳東狩

日車駕駐茲山遺廟風霜古新秋草樹般典章
千古上雲日兩儀間朱誕碑猶在間披剔蘇班

祀典

青州府志卷十

五

頽孝婦廟

在頽神鎮神頭山麓俗呼為靈泉廟

祀晉孝婦頽文姜後

周建唐天寶間更建殿制無梁大枋木相承錯峙

而成舊傳郭子儀督造今廟側有令公祠竟不知

何考**宋**熙寧間封孝婦為武安順德夫人

國朝

成化十三年提學僉事畢瑜奏請載祀典每歲

秋七月鎮頽神本府通判致祭

國朝提學副使

四明楊文卿記

曰淄川之南四十五里山下有泉昔人構屋於其上以為祠蓋齊之

孝婦頽文姜養姑孝謹姑性嗜河水水去所居可
數里孝婦無間寒燠日躬致以飲姑風雨霜露觸
冒勞苦久之忽有泉湧出於室味同於河蓋天相
孝婦以便其汲焉孝婦沒邑人即其地立廟以祀

之自是邑遇旱曠禱輒雨盜起將掠其境先期河
黃四十里示民以趨避盜來無所苦逮出境河色
復清其靈應如此立廟於唐舊記逸其歲月無
可考宋熙寧間封孝婦為順德夫人廟額靈泉河
名孝婦廟雖屢經修輯而歲月茲久輒瓦剝落柱
傾椽折上兩旁風無所蔽障四方禱祀之人蝟集
鱗聚失所瞻依歲入施錢皆為旁近無賴所私弘
治八年都憲汝南熊公翀奉 聖書巡撫山東行
部于青道過祠下顧盼徘徊重念 國家以孝治
天下而孝婦有廟若此何以勸勵風俗酒以濟南
衛百戶朱英核實施錢之入用以鳩工市材易腐
以堅支頤就正殿寢門庶彩繪輝煥廟貌若生士
庶具瞻興起孝思油然而不可遏布政使吳君珉
按察使趙君鶴齡輩咸以此舉關于風化非細謂
文卿不可以無述夫大道未隱人各親其親孝之
名未著世德下衰始以孝為卓行然季武矯而服
縵子春強而過禮文舉忍而棄子飾情要譽非孝
之經至於姜詩妻善承夫孝泝流汲江以順姑好

祀典

青州府志卷十

六

董黯因母思飲大隱溪水徙居溪傍汲愈母疾此
皆本乎天性發於真情其事蓋有同於孝婦者焉
傳曰至孝可以通天地感鬼神若婦之孝生既能
召室湧泉沒又能神於一方以福庇其民人其孝
之至者歟顯受封號而廟祀於無窮豈不宜哉都
憲公留意事神治民有廢必興有墜必舉而於此
尤加意焉蓋所以敦崇政本欲使世之凡為人子
者咸知感慕以名孝其親以阜厚各俗其用心亦
密矣庸書以著厥美并系頌禱神祠俾淄人歌以
祀孝婦於永永 節曰泉涓涓而湧室兮孝婦之德
河蕩蕩而遠逝兮孝婦之澤德之化兮民受福澤
之流兮民無忒食斯土兮其廟翼翼視如在兮其
靈濯濯永神休兮與國無斃 石頌神節 性潔蠲而
在俎兮永醑在觴靈風飄而滿旗兮神其來嘗歲
用登兮時雨時暘人用康兮厲鬼潛藏惠孔嘉兮
佑善以祥昭厥鑒兮有惡斯殃俗用熙熙兮儷美

禱神辭

陶唐

聖水祠

在城東建
置無考

殿前有泉二泓至其冽水旱不

加盈縮元元統初治中撒的迷識祈雨此祠有應

國朝布政使徐鐸亦如之俱修輯有碑記

東嶽廟

在城東
門內

真武廟

在西門內嘉靖四十
四年衡府修建

關王廟

在按察
分司東

齊藩修崔府君廟

在城西
北十里

益都

先師廟

規制詳
學校

祀日與府同儀行釋菜祭品視府

州縣同

啓聖祠

詳學
校

祀期與府同祭品視府州縣同

祀典

青州府志卷十

七

壇廟名宦鄉賢祠統祀於府

臨淄

社稷壇

舊在縣西
北三里

嘉靖丁未知縣陳震移建于西

天寺左歲以春秋仲月上戊日用羊二豕二帛三

爵三登一鉶二籩四豆四簋二簋二致祭

風雲雷雨山川壇

舊在城南
三士墓東

今移建迎恩門外壕

上歲以春秋仲月上巳日用羊三豕二帛七爵三

登一鉶二籩四豆四簋二簋二致祭以上二壇府

祭衡藩統其事行禮用樂不同州縣祭當視此

先師廟

規制詳學校

祭視益都

啓聖祠

詳學校

祭視益都

先聖祠

在儒學東北即名宦鄉賢祠合

國朝

成化三年巡按御史

賈奭令知縣蔣鳳建祀周太公桓公及管仲晏嬰

王蠋魯仲連田單漢江革唐房玄齡段志玄宋麻

仲英賈同凡一十二人

教諭包瑜撰碑記

曰以勞定國則

祀之於國鄉先生沒則祭於社官有是道也肆惟我朝治隆前古凡山川嶽瀆皆正其位號而先哲名賢有功於民可法於後世者既合祭於京師而復其故都故鄉亦許為之建廟立祠以彰其功德以昭示來世其制甚盛而德甚厚也臨淄乃古齊之故都自太公開周受封為始祖其功最盛厥

祀典

青州府志卷十

六

後若桓公創伯尊周室攘夷狄為時盟主功亦不細故其臣之仕於是邦而士之生於斯地者亦皆俊傑英偉在春秋則管仲之九合諸侯一匡天下晏子之歷仕三朝克顯其君至戰國時則魯仲連義不帝秦田單恢復齊城王蠋不事二君忠臣勇畧培植國本故齊之享國最長與周相為終始自漢而下流風餘韻被於後人漢則江革之孝行唐則房玄齡之相業段志玄之將才宋則麻仲英之行義賈同之衛道迄至于今遠者二三十年近者四五百年載其風聲著於四方聞者莫不興起是以今侍御巴蜀賈公奭以成化丙戌之夏承命巡按山東鐵冠豸服持節以行所至詰姦懲詢民隱勸學興士訪古求賢是以姦汚革心士民樂業化行而令肅矣明年正月望日駐節於臨淄謁學宮因舉鄉之賢哲如房玄齡者以勵諸生乃命有司擇前代名宦人物自太公以至唐宋諸賢有功德而可為法則者祠以奉之仍命瑜為之記贊受命夙夜警惕懼弗克勝乃謀諸縣令蔣鳳擇地於

學宮之東為祠三楹而一所得入祠者質諸郡守李公昂定其去取公曰祀諸學宮將以昭德而範後苟非近乎道者宜弗與於是以太公諸賢祠之以拒公管晏田單之五人擇地於龍華觀之西南以別祠之既各為之贊而并為記其實嗟夫澤厚者流光澤薄者流卑夫以齊之為國最為諸侯之盛乃既為縣自漢而唐自唐而宋以迄于今歲若是之遠其間名公鉅卿雄才偉士非不多也而求克入是祠者亦何以致是哉雖然諸公非功德之盛愈光明者亦何以致是哉雖然諸公非功德之盛固不足以致後人之仰慕而前蒞事者曾莫之舉自非侍御公與古人同心能體朝廷稽古勵俗之意亦不能為此舉前輩雖有絕世之望亦不過與常人同歸泯滅而已天下之人將何所勸哉今觀是舉其間開國以承家者有焉孝親忠君者有焉德學衛道者有焉觀其行事可以知其為人後之仕於是邦者蓋將視諸名公以為之師士之生於斯地者又將視諸先正以為之法于以篤學力

祀典

青州府志卷十

充

行脩政立事求所以匹休而無媿矣其於國家致與化之功不無少補而侍御公之用心亦與古人同垂之悠久矣

城隍廟

在縣西通書門內

洪武二年建弘治元年修

邑厲壇

在北門外

鄉厲壇六十有二所今廢

后稷廟

在稷山上

齊太公桓公廟

在縣西北二里營丘之東

宋景祐二年修

隱利侯廟

在愚公山之東

祀齊愚公歲旱禱雨輒應宋封

隱利侯

周尹祠

在城隍廟右

正德年建祀知縣四明周致提學

副使莆田陳琳撰去思碑

曰士君子之官有異政而德在人心者久而人

愛之去而思之固其情也若夫任未久而愛之若
父母沒於其地歷十數年之遠而思之戀戀不忘
不啻如詠甘棠而淚峴碑者是正德癸酉夏予視學
至臨淄學校之士謁予言曰吾邑科目久乏自弘
治庚申四明周侯致以己未進士來為令即以興
學為已任日與諸生講論道義剗劇文教嚴課程
示勸懲簡其材者陶鑄之明年辛酉趙生鼎始發
解扈生胤亦占高名學校盛興士至今思之其父
老亦曰侯之初政也子元元省刑薄賦剔姦蠹訟
無冤獄革淫祠禁遊婦悍吏無下鄉之擾飛蝗有
越境之異盜息民寧有父母斯民之道焉民至今
思之又進而言曰侯才識老練當道推重時益都
令以憂去政務繁夥特檄侯攝之與治補弊猶其
在臨淄然士民交相保留至有兩縣爭奪之誼每
藩臬守巡蒞其地目擊善治雖歉歲不聞有嘆息

祀典

青島府志卷十

三

愁苦之聲百凡注措建置整整有條格遂無所事
事而去論者以為入境自別上司如過客然是皆
侯之異政班班可稽也未三年方將柄用于時不
幸賫志而薨鬱鬱以沒吾人若失所怙恃然是不能
不動吾去後之思也言已因出前學諭鄭州段珣
所為初政錄以徵其實索予記未暇也后予寅友
僉憲呂公克中以分巡至士民復申前情克中與
侯同鄉知其操履甚悉且曰侯誠信仁愛人也誠
信則士樂其化仁愛則民懷其惠其所以啓人也誠
後之思者豈有所強而然哉昔班馬氏作循吏傳
獨於令不書豈其時令非循吏耶臨淄侯循吏也
先生可斬一言余觀古之賢令如元紫芝誠信化
人盜尸虎還士夫高其行謂之元魯山卓太傳為
密令視人如子人不忍欺教化盛行蝗不入界其
德政著于人心千載猶不忘蓋有不待而後傳者
侯之德之政之在臨淄者可與二公等將口碑噴
噴人耳當世思而百世傳未已也奚容余贅然志
盛德以垂後人史氏之職也余故按錄書之以俟

後人作史者采焉

愚山廟 在縣西二十里

牛山神廟 在縣南十五里

東嶽廟 在縣北三十里

關王廟 在縣西門外壕上

博興

社稷壇 在城外西北

風雲雷雨山川壇 在城外西南 二壇俱洪武八年知縣

戴岳建祭視臨淄

祀典

青州府志卷十

三

先師廟 規制詳 祭視益都

啓聖祠 規制詳 祭視益都

名宦祠 祀 國朝知縣陳文偉馬繼祖何鉞

鄉賢祠 祀 漢賢士任旒齊中散大夫任斯 國朝

九江知府孔福獲嘉縣丞顧玉四川布政使熊祐

城隍廟 在縣西 洪武二年縣丞謝斌建

邑厲壇 在城北 洪武十六年知縣李彥弼建 鄉厲壇

七十六所 今廢

八蜡廟 在城東 弘治年知縣何鉞建

董永廟 在城東北二十里

東嶽廟 在城東南三十里

關王廟 在縣治西

高苑

社稷壇 在北祭視臨淄

風雲雷雨山川壇 在東祭視臨淄

先師廟 規制詳祭視益都

啓聖祠 規制詳祭視益都

名宦祠 在禮門右祀唐令李仁劉敬和宋尹毛衢金令

祀典 青州府志卷十

五

高通元 令葛讓 國朝縣丞王公懋同知張宏兵

備許忠節公達凡八人

鄉賢祠 在禮門右祀戰國高士魯仲連齊王田橫漢博

士牟萇隱士牟紆周璆元高苑令張貴 國朝臨

漳令楊辛隱士張羽凡八人

葛令祠 在儒學東祀 國朝知縣固始葛臣郎中安丘

黃禎記 曰高苑祠葛侯凡以平小清也大沴既勞

在嘉靖丁未逮三十二歲癸丑秋鄉進士張子希
稷乃載邑人勤惻而東告余記將以志河變垂永
觀也余不佞諳高苑之治粵防惟大哉是故昔錫
縣以嘉名圃圍藪澤苑之義也堤堰垣堵高之義

也治則為圃園壞則為藪澤水潦微予而我完我
高民免昏墊斯令之良秩也匪防之訓而伊何永
觀乎而曰齊侯之苑者或非也葛侯下車遭新城
之變屈心塗體罔不率秩柰何執管樞者或非之
駁曰必決我蔡家口開我支脉溝洩新城清沙之
泊注海古道也大智不鑿大公不割禹行無事而
永言底績不爾是將墜新城人以壑也厥風從上
既而新城人果以兵譁卒決蔡家口三邑流毒焉
呼余嘗覽東方大勢而知小清之防為害大而為
利博哉自夫秦山西南趣羣山走海若牛馬之奔
以故西南萬壑瀟者泥者洶者瀝者咸由上阪橫
納小清故大小清之在東方猶銀漢曲經于天千
里金錐俾曰勿壞而後可以嫺嫺河河北諸窪之墟
若苑博昌千乘雖曰為防導水亦曰借水為防大
受斯亂而克東之茲前哲者之制防可少哉苟決
防以洩泊水是破人之腹而醫腫也且禹時九州
未畫鴻濛草昧故順水之性而放諸大野羅曰安
利民然在今日之高苑田井墳廬則分疆也稼穡

祀典

青州府志卷十

三

沃野則分賦也既治之喫則民安利之也乃欲一
旦舉而棄諸瀕洞使百里懷襄顧智邪鑿邪公邪
割邪夫溺民一也不爾彼而溺此禹必弗為惟民
口弗平則潰惟政弗平則亂詩曰他人有心予忖
度之其蔡家口之謂乎葛侯得之矣曰然則清沙
巨浸將奈何曰清沙長治之議有二利害有四而
決不與焉何哉蓋清沙通河之南岸所謂上阪者
故勢可利導而之河無恙也凡水上來多則淤下
澁亦淤凡防度水不可上則能久狹則跳若強弗
受基築之太偏而又靡闊靡堅卒雨則土下淋瀝
自狀也六者皆非水之辜也六者治新城之浸庶
乎可煙不已蓋按陳羅江疏河上源之策能使廣
如潔水者俾循陳海古道而疏入大清則上水可
祛其半不猶優於尋不可開之支脉云乎二端長
治亦曰息壤匪地之云惡夫人之良故曰雨暘者
天道之常候原隰者地勢之自然象宜而衰政者
人事之楨幹三者弗違則天弗違矣余又聞新城
之有清沙雖小大不倫譬則吳楚之震澤雲夢衆

派攸宅舊非稅區又魚鱉水蟲菰蒲菱藕之產鳩
鷓鴣鳧鴈之取民利資焉又水退土肥獲麥五倍且
又僉言三社私智之助常時出水以害防意在已
麥而忘人之麥四者較然苟長智并興當使利者
自利害者日消秦之人非越之人乎此又侯于時
章章之心平河之大略也余獨羨葛子當河事大
地既以官塞復以身塞志忱慨而咨嗟為民起溺
撫下請牛寬逋平徭筭禁豪併與民休息文教聿
興六春迄今政平人和河上之樹再歌已榮是又
一唐劉令也宜哉苑人存血祠之報昔狄梁公存
吳楚四祠於千百中雅曰禹泰伯季扎伍員君子
猶曰員也與吳可也與楚何居此蓋義執兩端推
侯之心則守秩而無它私其義一也吾知祠當從
禹後不毀矣侯名臣字子良河南固始人爰述為
記

城隍廟 在縣治東南

祀典 青州府志卷十

邑厲壇 在北鄉厲壇二十八所今廢

三義廟 在縣東祀漢昭烈關羽張飛

威佑廟 在縣治東祀古唐葛周三真君按碑曰威佑三將軍者實西周

厲王時人同為諫官王失政累諫弗從棄官游於
吳及厲王崩宣王立三官復歸於周無何王以三
官輔導太子有功遷秩東交而國大治逮三官沒
王始以孚靈感靈浹靈侯爵等號封之至宋真宗
祥符元年會帝東封泰山至天門忽見三神人於
是又加封號焉徽宗宣和五年敕賜威佑三將軍
額廟

樂安

社稷壇 在縣西北一里祭視臨淄

風雲雷雨山川壇在南門外祭視臨淄

先師廟規制詳學校祭視益都

啓聖祠規制詳學校祭視益都

名宦祠在儒學嘉靖二十四年知縣王本固建祀漢

樂安太守陳蕃隋千乘令蕭琅元尹張德新綦泰

凡四人

鄉賢祠在儒學嘉靖二十四年知縣王本固建祀周

先賢梁鱣漢御史大夫兒寬博士歐陽生大司徒

歐陽欽孝子董永元御史張士謙國朝僉事蔣

祀典 青州府志卷十 五

賜副使程紳凡八人

城隍廟在縣治北洪武年知縣趙復建

邑厲壇在城北鄉厲壇九十九所今廢

八蜡廟在西門外

漢兒寬廟在縣治西五里嘉靖二十四年知縣王本固建

關王廟在縣治西北

壽光

社稷壇在城西北祭視臨淄

風雲雷雨山川壇在城南門外祭視臨淄

先師廟

學校 規制詳

祭視益都

啓聖祠

學校 規制詳

祭視益都

名宦祠

門在廟東

祀 **國朝** 知縣王鐸楊昕凡二人

鄉賢祠

門在廟西

祀 **秦** 相王猛 **宋** 處士張荷 **劉** 孟節 **元**

逸士 **李** 裕進士 **周** 文淵許益

國朝 大學士 **文** 和

公 **劉** 珣尚書 **康** 敏公 **趙** 鑑凡八人

城隍廟

在縣治東南

洪 武三年縣丞 **黃** 彬建

邑厲壇

在縣東北

鄉 厲壇一百三十五所 今廢

倉頡廟

在城西

弘 治十六年知縣 **翟** 唐建 今廢 址存

祀典

青州府志卷十

三

昭賢祠

在縣治西南

祀 **國朝** **劉** 文和公 **珣** 歲以春秋

仲月用羊一豕一爵三帛一致祭侍郎 **安** 陽 **崔** 銑

記

曰弘治庚戌春太子太保劉公卒於仁孝里冬

劉氏祺請祠名 皇上賜號曰昭賢命有司歲祭

又三年文和公季子太常少卿銑告其事于銑銑

乃太息而言曰世易而哲俊昭論定而毀譽真道

昌而榮辱泯昔者公事 憲皇議大喪而正母紀

折臂謀而涓子禍直行無顧秉心不疑在端揆者

惟公而已而讒嫉肆作甚者構惡於群小假威於

邏卒卒嚇公去位而彼得恣行悼曰人之彥聖惡

之而達之俾不通嗟乎其斯人之謂歟 孝皇嗣

位放群姦于齋召大老于野遠貨重賢振頽解結

宜端揆者惟公而已而忌公者過不以聞公亦已

矣夫語曰竊位者知賢而不與立也嗟乎其斯人

之謂歟正德以來世識公賢士式其節史辯其誣

諫官請祀 天子表名彼斯人者有一于是乎夫
忠以宜臣非市寵也正以持身非高人也公以宅
心非飾事也若夫上有信感人有依違政有升貶
動有敏遲吾惟誠居而宜施之他何容心焉故君
子者立則無附行則無隕身屈可也其道不可抑
跡毀可也其名不可奪秩削可也其心不可回是
故意遠而風廣矣

東嶽廟 在西關街北

關王廟 在東門內北

昌樂

社稷壇 在城西北 祭視臨淄

風雲雷雨山川壇 在城南郭門外 祭視臨淄

祀典 青州府志卷十 三

先師廟 規制詳 祭視益都

啓聖祠 規制詳 祭視益都

名宦祠 在廟東 祀元尹段綺 國朝知縣于子仁凡

二人

鄉賢祠 在廟西 祀漢隱士逢萌 三國孝子王裒凡二

人

城隍廟 在縣治西 洪武初創建 景泰三年知縣孫輝修

邑厲壇 在城北 鄉厲壇凡一百一所 廢

八蜡廟 在城東南

夷齊廟

在城東孤山

御史熊榮命知縣黃軌重建宋賜

額昭賢元賜額聖清

國朝成化間重修歲以春

秋仲月上丁日致祭視鄉賢

孤山廟

在夷齊廟西

知縣朱木重建

臨胸

社稷壇

在北門外西

祭視臨淄

風雲雷雨山川壇

在南門外祭視臨淄

先師廟

規制詳學校

祭視益都

啓聖祠

規制詳學校

祭視益都

祀典

青州府志卷十

三

名宦祠

在儀門東

祀金王簿吳德彰元尹陳仲祥狄子

英

國朝知縣張璉蔣瓊凡五人

鄉賢祠

在儀門西

祀漢隱士管寧

國朝禮部尚書馬

愉孝子鞠珍沈誓順天府教授馮珍大同府通判

張繹貴州按察司副使馮裕凡七人

城隍廟

在縣治西南

正統間知縣張鳳修狀元馬愉記

曰國朝洪武初命有司所建通天之下祀歲時厲祭請禱于焉廟建六十餘年塑像未設以木主祀至于今宣德辛亥吳川孫公昇來主縣簿適夏亢旱民方洶洶公乃大戚偕僚長詣諸祠禱復即廟設壇齋沐仰籲于天未幾一雨彌日達旦乃止農人告足喜氣交動翊日刑牲潔盛拜謝廟下退

而宴樂以相賀孫公舉酒作而前曰神人之際幽
明雖殊其理則一凡人事之休咎實神攸攝也茲
歲乃屬旱人以爲憂是乃吾屬任咎之日而頭得
與宴享於此易感爲樂者固雨之賜豈非神之貺
乎吾屬既受牧一邑惟一邑百神是主一禮之廢
一器之微皆在所責况茲廟神像尙缺苟因循不
舉是豈有司事神之道哉吾今力而完之其亦爲
政之一端耶象應曰諾知縣南陽張公鳳首倡諸
俸各出俸餘爲費史胥耆老亦各以資助始工於
六月之初迄九月之望像成衣冠儼然丹彩輝映
又飭毀廡門壁規度咸新吉旦具儀賓從執事踴
躍升階環視瞻拜竦然興敬如神之接於耳目之
間欲降下其威靈焉者今年冬余歸省于家孫公
徵文以記於戲神之靈明非必俟像而後顯然孫
公素蘊之誠覩茲缺典渙發于衷不能已已遂與
滯於六七十載之餘廢美可嘉也諸以工力協贊
者列於
碑之陰

祀典

青州府志卷十

禋

邑厲壇

在北門外東

鄉厲壇

凡一百一所今廢

八蜡廟

在栗山

國初建

東鎮廟

在縣東南百五里沂山麓

祀東鎮沂山之神

國朝

載諸祀典成化間知府李昂正德間知府朱鑑相
繼修先是古廟在山椒去今廟三十里西廡下有
松偃蹇剥蝕相傳爲堯時所植或未可信**大學士**

劉珣記畧

曰凡山巍然高峙者則氣盛氣盛則神靈大而五嶽次而五鎮皆祭法當祭者

東鎮沂山一名東泰山漢郊祀志武帝設祠具至
東泰山卑不稱其費但令禮官祠之不封焉歷代
加以徽號若人鬼洪武三年詔去封號稱東鎮沂
山之神有司春秋致祭有事則遣廷臣祭告名正

理直一洗歷代瀆神亂經之弊而可以為萬世之
攸法也成化三年巡撫山東都御史原公謂祠下
既退嘆息曰廟之弗飭何以妥神靈是可後乎遂
檄太守李公昂縣尹卜公釗胥營度胥訓告力假
于民財出于公因其故而後大之工善材良既堅
且好自毀廡至于神庫牲房大而御製碑樓香
亭小而使客次舍百爾備舉觀者莫不起敬卜尹
具事本末假予記之夫聖天子在上窮神知化
名山之神能興雲致雨澤及萬物以作鎮一方神
之職也大臣憂國憂民興廢舉墜而圖惟輯寧者
大臣之職也有民人社稷之寄而能協志畢力不
勞于下者守令之職也茲惟神人具舉厥職弗容
以弗書是役也肇工于是年之正月落成于六月云

李靖廟 在縣西南八十里

常將軍廟 在穆齊記補云將軍秦昭宣帝時為大

祀典 **青州府志卷十** 三

峴戍王建元中戰歿後因立廟此山

逢伯陵祠 在逢麓祀殷諸侯逢伯陵

靈澤廟 在縣西仰天祀龍宋神宗初賜額靈澤後

加封豐齊侯

治官祠 在縣南二十五里

崔府君廟 在縣治東

褚尹祠 在縣北嘉靖年建祀知縣褚寶

安丘

社稷壇 在縣北關

風雲雷雨山川壇在縣南關

先師廟規制詳學校祭視益都

啓聖祠規制詳學校祭視益都

名宦祠在學宮祀國朝知縣張旌縣丞馬搗凡二

人

鄉賢祠在學宮祀漢太尉牟融郎中郎顛宋參知政

事明鎬凡三人

城隍廟在縣治西

邑厲壇在縣北鄉厲壇凡一百一所今廢

祀典 青州府志卷十 三

八蜡廟在城東十八里

高密伯廟在縣東四十五里祀漢大司農鄭玄宋封高密伯

護國西齊王廟在縣南一里

膏潤廟在縣西四十里

諸城

社稷壇在城西北洪武初知縣金汝穆建祭視臨淄

風雲雷雨山川壇在城南洪武初知縣高復亨建祭

視臨淄

先師廟規制詳學校祭視益都

啓聖祠

規制詳學校

祭視益都

名宦祠

在儒學東

祀漢

琅邪太守朱博陳俊**宋**知密州

蔡齊王博文蘇軾晁補之密州通判劉廷式**元**益

都達魯花赤撒吉思密州達魯花赤真閻知密州

黃濟

國朝

知縣朱允恭閻鼎馮傑鄧萬斛凡十

四人

鄉賢祠

在儒學東

祀周

太公望公冶長**漢**孫虞王同少

府梁丘賀黃門郎梁丘臨博士徐良大司空師丹

大司徒伏湛光祿大夫伏隆東郡太守伏恭**三國**

祀典

青州府志卷十

垂

諸葛武侯亮諸葛瑾**唐**太守顏杲卿太師顏真卿

南唐著作郎孫晟右僕射侍郎蘇禹珪**宋**少府朱

壽隆右僕射趙挺之都統密佑**金**節度使鄒谷

國朝廣西布政使藏哲廣東布政使孫浩句容知

縣劉義凡二十四人

城隍廟

在縣治西

邑厲壇

在城北

鄉厲壇

凡一百九十五所

今廢

八蜡廟

在縣城

蘇公祠

在超然臺一在常山

祀宋

蘇文忠公軾歲久尋圯嘉

請庚戌知縣祝天保重建

常山廟

在常山之麓

祀山神宋宣和間禱雨有應封靈

濟昭應王皇祐四年刺史吳奎修自為記曰常山

南二十里而近地志以為祈雨而常應故名曰常

山山有神祠其來舊矣皇祐四年自正月不雨至

於首夏整禱群望靡獲應罷農嗟惶日益無聊也

職憂維攷斯省竊亮前載庶幾可復乃齋沐奔懇

請所謂常山神祠者太常博士知諸城縣事丁君

寔亞其獻司法參軍李綱醫學博士孟正已偕讀

祝辭既事階升堂視棟宇頽墮敝甚曾霧露之弗

祭也塵漏遺像闇然可傷因目丁君質于神曰三

日雨足當新其廟是時微陰已結結而還散越晨

濃陰四合徐徐汎洒午際漸闔乍明乍靄而繼風

不動蒸潤鬱滋靈貺斯來嘉澍大作由晡達旦闔

境周匝群物甦醒類久病之頓愈妖姦融結茂豫

祀典

青州府志卷十

重

如也耕者歌於疆畝取夫喜於道中千里慘容一

變喜氣既涓吉躬親奠謝且踐所質顯任諸城尉

蒙陰

社稷壇在縣西北

風雲雷雨山川壇在縣南門外祭視臨淄

年嚴祀於神不怠是年八月二十日記

成矣僉欲紀實尚永其傳爰稽祭法山川能出雲

為風雨者皆曰神有天下者祭百神諸侯在其地

則祭之亡其地則不祭如常山者可為神矣奉為

神祠參為合禮迺祗詳心為記刻諸石又刻祈雨

謝雨文及詩一首於其陰俾密人千萬

先師廟規制詳學校祭視益都

啓聖祠規制詳學校祭視益都

名宦祠在廟西南祀元令武秀 國朝知縣王礪魏本

縣丞孫昱主簿陳忠張仲義韓信道教諭余濯凡

八人

鄉賢祠在廟西南祀 國朝山西叅政張時

城隍廟在門內西

邑厲壇在北關嘉靖八年知縣蔣鉞建鄉厲壇凡五

十二所今廢

祀典

青州府志卷十

一

八蜡廟在縣東半里嘉靖十年典史任厚建

顯史廟在縣西南十五里 國朝永樂二年修副使彭勗

詩蒙山兀出魯城東巨石如龜鎮上峯為問顯史今日祀季孫空富過周公

莒州

社稷壇在城外西北祭視臨淄

風雲雷雨山川壇在城外西南祭視臨淄

先師廟規制詳學校祭視益都

啓聖祠規制詳學校祭視益都

名宦祠在啓聖祠後祀春秋先賢卜商漢封莒侯劉璋

三國城陽太守鄧艾凡三人

鄉賢祠在啓聖祠後**祀漢膠東令王脩**侍中祭酒承宮

丹陽太守童恢**三國廬江太守徐盛**晉隱士王尼

中書舍人徐邈**宋諫議大夫王子輿**元京兆郡侯

段祐可亞中大夫鄒惟新凡九人

城隍廟在州治西

州厲壇在州北門外迤東**鄉厲壇**凡一百九十九所今廢

城陽王廟在州城西**祀漢朱虛侯劉章**

上魏公祠在州西南文學書院內弘治七年知州楊舫增修

祀典
青州府志卷十
三

沂水

社稷壇在城西北**祭視臨淄**

風雲雷雨山川壇在城西南**祭視臨淄**

先師廟規制詳學校**祭視益都**

啓聖祠規制詳學校**祭視益都**

名宦祠在儒學**祀金令聶朝散元尹苑華**
國朝知

縣葉元凱穆相凡四人

鄉賢祠在儒學**祀宋東宮通舍人劉勰**晉驍騎將軍

徐廣光祿大夫孫謙凡三人

城隍廟

在縣治東南

洪武三年知縣李忠建永樂十三

年知縣葉元凱重修

邑厲壇

在城東北

鄉厲壇

凡一百四十四所今廢

閔子祠

在縣城西北八十里閔公山下

世傳先賢閔子騫避季氏

召在此山下因祠之正德八年知縣王淵改創書

院嘉靖十一年知縣李汝節以祠旁有子路讀書

臺無詳引據乃併祀之改二賢祠

關王廟

在縣城西北

龍王祠

在縣西一里

舊有龍池元政和間因建祠歲旱

祀典

青州府志卷十

三

祈雨輒應有碑記

聖水祠

在縣西三十五里雙崗山之阿

國朝洪武間知縣田子

畊弘治間知縣戴初修

日照

社稷壇

在縣城西北一里

祭視臨淄

風雲雷雨山川壇

在縣城南一里

俱洪武三年知縣蘇惟

一建祭視臨淄

先師廟

規制詳學校

祭視益都

啓聖祠

規制詳學校

祭視益都

名宦祠

舊在樞星門東今祀元尹路遠楊信民

國朝知縣白汝舟凡三人

鄉賢祠

舊在樞星門東今祀金朝散大夫張莘卿

禮部侍郎張偉翰林學士張行簡諫議大夫張行

信 國朝懷慶知府陳達凡五人

城隍廟

在縣治北 洪武二年知縣蘇惟一建宣德八年

縣丞賀福重修

邑厲壇

在城東 洪武十八年知縣張亮建鄉厲壇

凡八十七所廢

祀典

青州府志卷十

七

八蜡廟

在縣西南一里 嘉靖三年重建

東嶽廟

在縣城外西關

牛王廟

在縣西北二里

關王廟

在縣西北 元至正十七年建成 成化十七年修

晏公廟

在縣西 洪武二十七年百戶張文建

孤奎廟

在縣南 景泰二年主簿劉偉重建 嘉靖十

年知縣顧繡重修

海神廟

在縣東 二十里 元延祐間知縣路遠重修

青州府志卷之十終